



Sigurnost na internetu: Kako se odbraniti od pecanja?

Pandemija novog koronavirusa, zajedno sa mjerama kojima se države trude da je obuzdaju, zahtijeva od svih nas nagle i velike promjene. Tokom zaključavanja i drugih mjera ograničenja, okrenuli smo se internetu kao korisnom i pogodnom sredstvu koje nam pomaže da sačuvamo navike, osjećaj normalnosti, poslovni i društveni život. Radili smo, kupovali, plaćali, čitali i učili online i bili na mreži više nego ikada ranije.

S druge strane, a to potvrđuju i izvještaji relevantnih globalnih organizacija, Covid-19 kriza je uticala i na rast internet prevara i pokazala da kriminalci aktivno pokušavaju da iskoriste ranjivosti društva i na prevaru dođu do povjerljivih podataka i novca građana i kompanija.

Za te svrhe najčešće se koriste metodom phishinga /pecanja/. Prevaranti potencijalnim žrtvama šalju lažne emailove koji izgledaju kao da dolaze od kompanija sa dobrom reputacijom, a kako bi se domogli njihovih ličnih podataka - lozinki, brojeva kreditne kartice, dokumenata... U tim emailovima se obično nalaze linkovi do lažnih stranica ili prilozi sa zlonamernim programima koji sakupljaju povjerljive informacije, a koje bi prevaranti dalje mogli iskoristiti za krađu identiteta ili pristup finansijskim sredstvima potencijalnih žrtava. Kako da osiguramo da nas niko ne upeca?





Budite oprezni...

- ako email i poruke imaju ton hitnosti,
- ako vam pojedinci ili organizacije mailom traže lične podatke – broj kartice, lozinke, adresu, kopije ličnih dokumenata,
- kada otvarate linkove ili priloge, čak i kada dolaze iz (naizgled) pouzdanih izvora,
- ako se adresa s koje vam je stigao mail ne poklapa sa zvaničnim domenom kompanije koja vam je navodno poslala email,
- kada primijetite gramatičke i pravopisne greške.



Kako da se zaštite?


- Budite uvijek u toku s najnovijim savjetima o internet sigurnosti,
- kupite i instalirajte napredne programe za zaštitu od phisinga ili ako to nijeste u mogućnosti, za filtriranje poruka obavezno koristite ugrađenu zaštitu aplikacije koju koristite za čitanje i slanje mailova,
- ako primite sumnjiv email sa linkovima ili prilozima – trajno ga izbrišite,
- internet bankarstvu pristupajte tako što ćete sami ukucati adresu internet stranice banke u prozor pretraživača – a ne klikom na linkove iz poruke i emaila,
- ukoliko posumnjate da vam je neko poslao phishing email ili poruku lažno se predstavljajući kao Erste banka ili njen zaposleni – kontaktirajte s nama putem zvaničnih kanala: Kontakt centar 020 440 440 i 19991; email: info@erstebank.me i ebank@erstebank.me .

Zlatno pravilo: Ako vam se email čini sumnjivim ili zlonamjernim, onda to vjerovatno i jeste.

Opširnije

Više informacija o sigurnosti na internetu

Da li ste znali*...



- da je phishing najčešći vid internet prevare – sa oko 80% učešća u ukupnom broju,
- da je sve češći vid phishinga takozvani spear phishing – kada se umjesto slanja iste poruke velikom broju ljudi, prevaranti obraćaju emailovima i porukama koje su pripremili za konkretnе pojedince o kojima su prethodno sakupili detaljne informacije,
- da se u prosjeku, na svakih 39 sekundi dogodi cyber-napad?

**Izvor: procjene privatnih provajdera sigurnosnih programa i rješenja*



Copyright © *|CURRENT_YEAR|* *|LIST:COMPANY|*, Sva prava zadržana.
|IFNOT:ARCHIVE_PAGE| *|LIST:DESCRIPTION|*

Naša adresa:
|LIST:ADDRESS| *|END:IF|*

Želite da promijenite način na koji primate ove poruke?
Možete da ažurirate svoje podatke ili da se odjavite sa ove mejling liste.

Sadržaj stranica je isključivo informativan.